

欽定剿平三省邪匪方略

欽定剿平三省邪匪方畧卷首

天章

御製詩二

經畧額勒登保奏報督率官兵在商維一帶痛殲

賊衆逼奔西南各情形詩以誌慰

以下庚申

賊技恃奔竄東趨近豫疆窮追及鎮

安維南

痛剿折

山陽商

州

額勒登保奏報督率官兵截剿陝境賊

匪折竄山陽恒瑞帶兵由商南一帶兜擊扼

其入豫要路戴家營張添倫等股賊匪踴至雒南之  
麻坪楊遇春等帶兵抵雒南之大栗西分作三路緊  
蹙四月二十九日抵兩岔河口趕上賊隊格布舍楊  
芳傅陞奮勇衝入刀砍矛戳賊衆奔散追剿三十餘  
里殺賊四百餘名生擒男婦七百五十六名於擒獲  
活賊內訊出副元帥李添俸等卽行正法查明被裹  
難民三百五十四名口給票釋放餘匪俱遁奔西南  
不使闖入豫省至那彥成所剿之伍金柱一股據鎮  
安縣稟報已竄該縣之兩河關那彥成帶兵追擊陝  
境各賊勢衰離河南邊境已遠可期乘勝趕剿淨盡  
圍合邪斯靖師和積必彰因循已五載宵旰籲

# 蜀信

蜀信連番皆剿賊龍安隣水前羣邪

據勒保奏藍白黃三號賊匪由

龍安翻越紫竹埡口被我兵截爲兩段殲斃三四百名活擒一百四十三名割獲首級內認出襄陽賊目李掌櫃張進才二名投出難民八百七十五名口餘賊由讓水河范家壩奔逸查該處距甘省之文縣不遠已知會廣厚兩面夾擊以期一鼓殲除又據德楞泰奏督兵追剿藍號賊匪由隣水冒雨進發至七孔溪山梁從上壓下斃賊數百名棄械投出者三百二十六名生擒一千一百七十餘名口訊出被害大竹縣知縣之偽軍師何上達凌遲致祭以慰忠魂分遣被擄一千三十七名口各使歸業現在先將江岸廓

清餘股不  
難掃蕩矣

聞風逃遁誠堪恨冒雨攻圍實可嘉罹劫

總由予德薄除災敬籲

昊恩加五年無一日寧靜東望

裕陵增痛嗟

我考自去年正月三日棄兒

厚恩各

路雖有存獲終未能淨根株愧爲天下之主日視百姓流離顛沛死亡困苦莫能援救上無以報

考

恩下何顏對臣庶豈非天地間一罪人乎誓欲竭盡心血必欲平定三省之邪衆爲五年以來陣亡之官軍鄉勇伸此冤憤斷不中道

而止書此數言誌吾沉痛

經畧額勒登保奏報殲斃首逆龐洪勝痛剿匪衆  
千餘名又巡撫台布奏報在鳳縣堵禦各情形  
詩以紀事

賊之長技恃鋌走南山依險逋逃藪折回商雒復西

奔出沒七十二峪口

前據總督長麟奏報南山  
北面共有七十二峪口

經畧

雄師沿路搜兩甄直壓紅巖溝逆匪欲遁遁無路千

餘邪孽皆殲囚

據額勒登保奏報追剿伍金柱大股  
匪衆於五月十二日執獲賊探訊出

賊衆已奔銅錢窖屯紮大兵分路抄赴石子嘴紅巖溝等處隨路擊斃四百餘人賊匪經數路兜圍翻山亂竄官兵復併力趕殺十餘里斃賊一千餘名生擒五百五十一名口

龐姓首逆係新

附自舍田廬趨死路哀矜勿喜養仁心憫彼癡愚遭

劫數

嚴訊獲賊楊六燕等據供此股賊匪係伍金柱

龐洪勝爲首龐洪勝湖廣人三月進營與伍金柱合夥衆人聽他號令所挈龐有兒卽是其子又龐有兒供龐洪勝在洵陽縣西岔河居住家屬共二十七口前後被官兵打死失散隨認出龐洪勝并老教頭王者子各首級屬實龐洪勝本有家業棄產附賊自取破亡豈其

數應遭劫耶

前竄邪匪抵黑河幸有兵勇齊揮戈

剿堵併力志聯絡何難一鼓除么虜

據台布奏報戴家營楊開甲賊

衆分竄黑河及洋縣地方經各將領緊蹙追至並有  
斬獲詳察各要隘分路截剿堵遏不令闖入棧道及  
西面之徽縣兩富南面之畧陽汧縣亦合機宜連日  
大兵屢獲勝仗并力剿辦聲勢聯絡事機大順不難  
掃蕩餘邪敬感

慈佑禱祝彌殷

五年征討未蕝事寸衷夙夜增惶

愧敬額

上天赦黔黎庶繼我

考愛民志



盼信

寸衷盼佳信三省盡稽遲  
賊情通逃技兵逢暑雨時  
民災莫能救師老最虞疲

考願尙難畢仰空更益悲

經畧額勒登保奏報官兵連得勝仗殲斃首逆楊  
開甲痛剿賊匪千餘名詩以誌慰

正殷捷奏接飛章轉戰茅坪誅逆楊餘匪漫潛四畝

地雄兵全洗兩山梁

據額勒登保奏報楊開甲賊股在茅坪一帶焚掠併佔據七盤

溝左右山梁我兵跟蹤緊剿翻上山梁將賊截爲兩段五月二十六日額勒登保前抵茅坪已據各將領稟報將左右山梁賊匪全數剿散併將首逆楊開甲殲斃兩陣剿殺不下二千名散出難民幾及千名口餘匪竄往四畝地等處隨派將領帶兵趕赴截剿

軍功必錄人咸奮

又奏稱湖北執

旗兵黃金玉同兵丁楊霖見有騎馬指揮賊目黃金玉當用旗桿盡力戳去賊卽墮馬楊霖隨用刀砍割取首級獲賊無不認識爲楊開甲首級無疑此次出力各將領奮勇可嘉已交部優敘兵丁黃金玉超拔千總兵丁楊霖超拔把總以示鼓勵

勁旅重添氣倍揚

本日調派索倫吉林兵一千五

百名前往軍營適領勒登保捷奏到來而此項新兵  
仍著派往壯軍威而破賊膽更可期迅速成功矣  
指日荏苒皆掃蕩

在天靈爽願方償

叅贊德楞泰奏報馳抵南江冒雨痛剿攻撲洞寨

各股賊衆千餘名詩以誌慰

蜀賊通

江州巴州

聚遊魂尙逞狂聞風虞免脫冒雨奮

鷹揚四寨

李家裕成羅台元山四寨

消災難

去雖一兇

偽元帥賴掌櫃偽總兵鮮

正憲章慰心生惻憫除劫額

穹蒼

據德楞泰奏竄擾通江巴州賊匪攻圍桐寨勢甚  
鴟張德楞泰聞報後帶兵追剿於五月二十八日

黎明行抵南江之馬掌舖大雨如注煙霧迷漫賊匪  
俱聚於場上房屋內不知官兵哭至猝不及防紛紛  
潰亂馬不及鞍人不及衣號哭之聲不絕我兵奮力  
攻擊殺賊二千二百餘名生擒不下八百名口四川  
鄉勇蘇元林戮死白號偽元帥賴掌櫃又吉林領催  
成素甲兵永興活捉藍號偽總兵鮮中青等現在川  
境賊黨喪膽亡魂不難指日洗蕩第逆匪等孽由自  
作不得不亟與誅夷以安良善然披覽奏章不覺惻  
然生憫惟祈 昊慈垂佑消  
劫廓清用錫蒼生太平之福也

河南布政使馬慧裕奏報葉縣盤獲首逆劉之協  
督兵趕辦寶邾教匪悉數殲除各情形詩誌感  
慰

旋轉事機荷

蒼昊五年籌筆乏謀猷蜂屯聚逆蟻排陣虎將催兵馬  
躍溝先據河南布政使馬慧裕奏寶豐邾縣教匪糾  
衆滋事復據奏多年在逃之首逆劉之協四出  
勾結旋被葉縣知縣廖寅盤獲七月十三日馬慧裕  
奏報賊匪屯聚寶豐之翟家寨內初六日馬慧裕督

率兵勇趕赴剿辦寨外有溝一道賊匪沿溝排陣抗拒馬賊三百餘步賊七八百人候補參將亮祿首先躍馬過溝河內縣知縣劉元吉亦率兵勇一齊過溝奮勇剿斃多名奪獲旗礮鎗械內有大白旗上寫天王劉之協字樣賊衆復退入寨內緊守 寨破四門憐盡剿 是日午未間適所調襄城

南陽官兵三百名趕到協力圍攻初七日卯時至初八日卯時打破東面寨門一湧而進生擒偽元帥李岳偽總兵孫繼元殲賊六百七十餘名自盡者三百餘名活擒二百三十七名併將翟家溝等處搜捕盡淨所有附近村莊歸來復業者卽時寧輯其首逆劉之協業經傳到眼目質認確切無疑 網開一

面自來投

馬慧裕掃淨匪衆之後猶慮賊敗時乘間逃逸及四出料者均屬漏網卽行出示

曉諭如能改悔投首卽爲良民并禁止兵役妄行查拏俾閭閻安堵克副網開一面之意佇盼隴蜀捷音此爲先  
聲矣 凶渠生繫羣邪散隴蜀牧寧願此秋

叅贊德楞泰總督勒保奏報合兵兜剿四股賊衆

擒戮四五千名大獲勝仗各情形詩以誌慰

軍民合力剿邪妖餘孽紛如落葉飄元口鎮前元惡

聚白沙場上白蓮濁

德楞泰勒保等合兵兜剿樊張鮮苟四股匪衆探明賊蹤於七

月初十日賊在小米溪白沙場一帶屯紮德楞泰由望水埡龍市鎮跟蹤追躡勒保由草街子元口鎮一

路兜剿抄出賊前十一日追及大隊賊匪德榜泰督率馬隊衝殺勒保抄截前來兩面夾擊斃賊一千二百三百餘名活擒及投出男婦共二千三百餘名口於割獲首級內認出偽總兵吳國耀鮮大川之叔偽先鋒鮮文炳活賊內有大頭目苟文禮大掌櫃劉崇照旗手張文元苟文經王綬旦五名及從逆焚掠之羅一虎等八百六十二名又自行投出男婦一千五百餘名口勒保督兵搜剿逸賊探得後路飛龍場有賊藏匿卽派薛大烈等搜剿又斃賊三百餘名割獲賊目趙文舉首級生獲旗手郭福萬及賊匪一百十三名又先經調派之七十五李紹祖一路初七日於隣水境內追剿樊人傑一股殺賊八百餘名獲活賊三百四十餘名內有樊人傑之弟偽元帥樊人聰偽先鋒陳得富二名統計各路斬獲不下四五千名川境



餘匪無幾可期  
剋日掃蕩淨盡

鄖西小醜看全滅

昨據明亮奏報青  
號徐添德折回鄖

西現與孫清元兩

隴右游魂卽盡消

經畧額勒登保  
奏報伍金柱各

面來攻可期集事

股賊匪勢極窮蹙渙散  
者甚多卽可全數撲滅

三省佇祈登衽席告成怡應

上

陵朝

經畧額勒登保奏報生擒逆首陳傑職淨餘匪現

趕辦伍金柱各股賊匪情形同日總兵明亮奏

報痛剿徐添德大股賊衆生擒僞總兵熊方青  
殲除匪衆千餘名乘勝趕剿各情形詩誌感慰

今秋

天眷益深厚兩省捷音同日來隴逆消殘如敗葉楚氛

歛戢祇餘灰南漳亟盼徐

添德

囚馘

據明亮奏報趕上徐添德大股賊衆

生擒僞總兵熊方青殲除賊匪一千數百餘名括捉  
男婦二百數十名徐添德聞言兵將到先已竄匿現

在趕緊督兵追

西 禮縣

卽看伍

金

賊摧

據額勒登保奏報生

擊剋期掃蕩

擒逆首陳傑藏淨此股餘黨伍金柱等亡命向西和  
成縣一帶奔逃長麟定柱等在西和禮縣分投攔截  
夾剿賊勢現已摧敗  
指日即可藏功矣  
續調雄師籌善後收功猶有渥

恩培

經畧額勒登保連次奏報官兵鎗斃首逆伍金柱

矛戳逆首宋麻子殲戮賊匪千餘名詩以誌慰

陝甘連界如脣齒逆賊奔逃幾往來伍

金宋麻子駢誅

威已振冉

學世勝張龍

接竄勢將摧

先據額勒登保長麟奏八月初三夜楊遇

眷等在石觀子溝內黑夜攪殺斃賊二百餘人拏獲活口訊供僞元帥伍金柱小腹受鎗從胯穿出斃命宋麻子等竄往成縣西和等處茲據額勒登保奏稱據慶成報十六日在麻地溝剿斃賊匪三百餘名拏獲頭目郭有斗訊供宋麻子向與張添倫辛聰顏勝可魏棒棒俱著名首逆今宋麻子已被官兵亂矛戳倒卽令我討屍內果有麻面一人各活賊指認確實其張添倫等奔竄各賊現在分佈截剿務期淨盡事機漸順祈消劫

天澤宏敷速弭災謁告

裕陵額

垂佑難伸孺慕寫沂哀

九月初八日燕郊行官叅贊德楞泰總督勒保奏  
報痛剿匪衆二千餘名現在分兵追剿以冀肅  
清川省各情形詩誌感慰

上

陟市旋蹕佳信達燕郊奮擊兵連寨窮追賊失巢漫逃  
長壩渡先剿大團包

本日途次燕郊接據德楞泰勒  
保奏報德楞泰帶兵馳抵太平

探知賊匪廣向瑤等股經勒保率領將弁剿敗後至  
長壩渡河德楞泰勒保會合探明賊蹤去向分佈將  
領於八月十一至二十三等日連獲勝仗七十五於  
豐城寨及大團包等處殺賊五百數十名生擒一百  
八十餘名勒保率領薛大烈等於茅坪殺賊三百餘  
名生擒一百三十餘名德楞泰所派溫春等與勒保  
前敵薛大烈等會合於倒流水地方斃賊六七百名  
生擒賊目男婦共四百六十餘名口投出者一百數  
十名於賊屍內指認出偽副元帥湯恩舉偽總兵王  
三魁二名現在川省腹地各匪屢次殘敗餘孽將近  
肅清卽可將川陝交界竄匿之匪以次剿辦敬  
頌 吳貺 考慈默垂鴻佑速奏藏功爾 敬感

考垂佑功成十月交

叅贊德楞泰總督勒保總兵明亮巡撫倭什布各  
奏報川楚剿賊得勝趕緊肅清腹地情形詩以  
誌慰

頒朔祀

神典敬修喜音川楚達軍郵屢邊餘孽難藏穴金底游

魂漫匪溝

據德楞泰勒保奏分路追剿湯杜劉張四  
逆殲斃偽總兵胡之魁生擒賊首湯思蛟

之弟湯思川探馬頭亢正剛偽先鋒陳元旗首黃華  
等兩路共殲斃擒獲賊衆入百餘名所剩者不過二

三百人奔竄山溝潛匿德榜泰勒保在紫水壩會合探得趙麻花勾合大寧青號賊之信卽由江口迎剿於十九日在寒池壩兩路督剿當殺賊三百七十餘名次日將藏匿之賊盡行搜獲剿殺內有大頭目李思印林士純僞總兵何崇信四川步兵何有富追捕穿紅賊首趕至溝底戮斃割取首級又擒獲活賊內有趙麻花之妻張氏一見何有富戮斃之穿紅賊屍卽時痛哭認係趙麻花並據供伊夫達州人係徐添德之徒查此股首夥俱已殲盡餘劉湯等逆勢已殘敗卽可掃蕩無遺 兵合兩旂威殿

後賊分四號剿迎頭

據明亮倭什布先後奏到明亮截剿黃白藍線四號匪衆於二

十一日在房縣所屬之上龕中龕一帶督率迎剿共殺六七百名殲斃擒獲賊目多名倭什布緊躡賊蹤



將埋伏抵拒之賊沿途擊剿又於七里壩將箐林大股伏賊與明亮所派策應官兵夾擊潰散殲戮殆盡現在明亮倭什布會商分既增感慰仍祈合將楚省餘匪刻期殲平

佑定亂安民闡

聖猷

叅贊德楞泰總督勒保奏報截剿王珊賊匪淨盡川東腹地肅清現乘勝馳往川北迎擊陝匪各情形詩誌感慰

王珊李思槐同傾覆川東始肅清據德楞泰勒保奏報辦完趙麻花全股後

尚有王珊一股折竄高陽德楞泰於九月二十四日追至磨子巖斃賊一百餘名生擒賊目鍾應昆等九十三名訊據供王珊在濫泥溝被箭矛傷斃勒保於二十六日追至觀音槽活擒旗首傅有萬等內有王珊之師李思槐當卽殲梟人心皆厭亂駭匪剿淨川東俱已肅清

天意欲銷兵弭患資羣力安民矢寸誠雄師連陝蜀勁

旅掃欃槍

又奏稱據署通江縣徐廷鈺稟報有賊目朱九齡由陝竄至平溪壩該縣督率壯勇

擊殺淹斃八九十人復有張添倫之餘黨竄入金溪河官亦截殺一百五六十人活擒偽總兵魏超等十

三人現在德榜泰等馳赴川北搜剿潛匿老林之賊  
派令提督七十五由太平一帶偵探由陝關入川省  
賊蹤截剿並會商陝甘帶兵大員如各賊匪逸入川  
境總期不分畛域併力圍剿佇望早奏捷音三省悉  
臻寧謐也 益感

昊恩厚重敷

考澤宏卽看馳喜報三省賊全平

總兵長齡奏報在洵陽截剿高馬二逆殲斃匪衆

詩以誌慰

陝賊技窮欲奔楚爲奸狼狽聚洵陽二凶小醜潛山

徑兩省雄師壓嶺梁

據長齡奏報高二馬五兩逆匪由大貴坪竄入洵陽王家坪將

入竹山之界嶺長齡分派官兵爲三路搶上正西大山殺斃二百餘人又抄上北面山梁直往下壓殲賊七八十名追殺二十餘里坡溝倒斃三百餘名生擒百餘名訊出頭目王必貴王四探馬張仁李二虎等當卽正法飛咨倭什布慶溥東西堵截夾剿以期蕩滌

威擬勁風摧敗蕻捷如

大雪翦飛蝗五年苦厄民何罪叩禱

天恩降福慶

經畧額勒登保奏報各路俱有斬獲曾芝秀一股

南竄過江情形詩以誌慰

事機將順輻湊奇盡叨

天佑非人爲南山之中賊數百官兵牽綴謀難施鎮臣

截擊松樹壩逆黨搶竄漢江涓聚於安

康紫陽得全

剿兵切欲消潛轉移

據額勒登保奏經楊遇春等報於安康縣擒獲賊探訊供馬五

王廷詔冉學勝張世龍等股合夥在銀硃壩屯紮徐添德竄匿鐵爐壩楊遇春分兵三路剿斃賊四百餘

名生擒五百七十餘名口馬玉魁等殺賊八十餘名  
擒斬頭目郭合偽副元帥徐二貓等又據劉之仁  
伍逆餘黨會芝秀一股乘間搶過江之南岸南山已  
經肅清官兵可無牽綴該經畧等卽乘勝由安康趕  
入西鄉紫陽一帶督王廷冉學張世添龍紹高二  
勦以期聚而殲旃

馬五蜂屯蟻聚陝蜀陞亟盼佳音連日至民安邪淨

蘇溺飢民罹昏墊予之咎民獲飽煖予心怡此志不

懈期必遂悲憶我

考望捷詩

總兵長齡奏報痛剿高馬二逆匪衆一千四百餘  
名乘勝抄擊各情形詩以誌慰

勁旅及鋒用軍行在審幾二凶剩殘喘七隊奮雄威  
困獸猶思鬪涸魚失所依

吳恩誠感惕弭亂寸心祈

據長齡奏報十月十二日官兵由陳家莊一帶進擊高馬

二逆匪衆挖斷道路盡據陡坎抗拒我兵分爲七路  
相持三時鎗箭礮轟斃賊三百餘名滾崖者不計其  
數擒獲執旗賊二名前後斃賊五百餘名追殺一百  
五十餘里又斬獲五百餘名生擒穿紅馬賊二名步

賊一百餘名訊出偽先鋒鄒順大頭目楊大順王興  
及探馬矛手馮大富等均卽正法散遣男婦等一千  
餘名現卽乘勝抄擊高馬二逆不令竄越楚  
境等情惟仰額 吳恩及此掃蕩靖民也

經畧額勒登保奏報迎剿賊匪痛殲及擒獲者幾  
及二千名詩以誌慰

川中團堡寨陝境覓食艱羣賊欲趨楚蟻聚窺竹山  
大帥扼東北竄聚白土關冒雪半夜進馬步凌辱顏  
奮勇發鎗箭合併誅奸頑

據額勒登保奏報前月二  
十三日到白土關擒獲賊



探訊稱徐添德與曾芝秀等要過白土關仍向湖北  
楊遇春等趕到霸河追殺四十餘里斃賊三百數十  
人箭斃偽副帥陳天保次日至廣木溝斃賊二百餘  
人生擒賊目黃國忠等共一百餘名額勒登保取道  
關垭由竹谿周家灣得勝鋪冒雪前進初二日翻界  
嶺初三日至東樹嶺并力合攻鎗箭齊發兩日共斃  
賊四百餘人生擒四百七十餘人楊遇春等在姚家  
河擒斬二百餘人現擬於洵陽平利安康一帶逼向  
川境大兵合擊  
披覽生惻憫籌筆淚出潛愧無回  
以期迅速集事

天力萬姓多痾瘵沙場委白骨荒草戰血殷五載罹劫  
難听夕心憂患叩顙

考垂佑歲事振旅還

叅贊德楞泰總督勒保奏報兩路官兵痛剿川北  
逆匪三四千名並殲斃首逆楊開第齊國謨詩  
誌感慰

川北餘邪聚八千妄思搶掠蜀江邊雄師合力刀矛  
奮小醜駢誅溝壑填

據德楞泰勒保奏報德楞泰在  
西鄉邊境逼賊入川緊追楊開

第等股共八千餘人向巴州東竄勒保探知賊蹤由  
渠縣迎剿十一月二十七日將到安仁溪先將賊探

七八十名擒殺無遺隨督兵疾走迎截至騎龍埡口見有賊衆各將領奮力剿殺潰散奔竄追至巴州之兩台山沿途截殺賊一千四五百名生擒七百七十餘名尙有各寨團勇幫同堵禦德楞泰於二十九日追至官陞寨知勒保已得勝仗將折竄之賊於高山旺地方剿殺四百餘名生擒藍號李炳之子李朝坤楊開第之師余國明等又擒獲溝內藏匿之楊昌壽等三十七名餘賊盡數殄戮勒保德楞泰會同查訊獲犯僉供稱楊開第係楊開甲之弟受箭傷後被矛戳斃齊國謨係齊王氏之姪已被官兵殺死當經指認確實餘賊不過千名現在

雖幸楊開第齊國謨彰憲典

匪黨高馬五伏戈鉞

高馬二賊屢被剿殺高二已分竄入楚境馬五尙在陝陸

之交現籌截

剿竹候捷音

代民虔叩祈

天救禍結兵連已五年

經畧額勒登保奏報官兵在武關等處截剿賊匪

情形詩以誌事

因循又屆沍寒時冰雪嚴凌勞我師  
逆黨狂奔圖搶掠良民何日免誅夷  
人心不固吏仍玩賊勢雖窮兵  
漸疲額祝西南連奏凱新春消劫溥

鴻禧

據額勒登保奏報冉學勝股匪由土門一帶奔竄經楊遇春等追截於橋兒溝射殺騎馬賊僞先鋒號稱彭副帥者隨趕至武關堵截將冉學勝樊人傑各股逼向西南不使竄入豫楚剋期捷音速奏以消民阨普

迓春祺

總兵長齡奏報兩路官兵合剿賊匪情形詩以誌

事

賊技恃奔竄青藍復合黃立誅千逆匪直越四山梁

據長齡奏報十二月初九日在竹谿境內會同明亮孫清元等分投趕截青號張允壽藍號高二黃號樊

榮華等連壓四重山梁追殺六十餘里  
斃賊千餘名現仍偵探賊路乘勝剿除  
三秦盜尙藏酉年應戴事虔籲

吳恩滂

元旦喜得楚省捷音詩誌感慶

以下辛酉

歲朝得喜報春始沐

天恩賊勢螟蝗散兵威虎豹屯良臣奮忠藎宿將共騰

鷲  
元旦據書麟俊什布奏報賊匪志在掠食裏人應  
先擇人煙稠密處所堵剿十二月二十一日酌帶

竹山鄉勇行至太平關探報長麟明亮等在瓦房口  
殲賊數百名又據孫清元等報先後斃賊千餘名屢  
得勝仗新春事機順利等  
情叩感 天恩不盡 指日楚氛淨廓清隴蜀原

述憂詩二十韻

一身承

祖業莅政已五年改元興教匪由楚及陝川倡言貪官  
逼過劫肆白蓮執迷弗悔悟搶掠如火然哀哉我赤  
子億兆溝渠填選將調勁旅練勇堡築堅三策堵剿

撫羽檄昕夕傳逆首雖屢執餘黨自蔓延晝伏夜出  
劫鬼蜮狐鼠跽徒勞兵勇力疲於奔命焉偶遇大帥  
隊走險飛蝗蜚或逢偏裨伍逞虐騰妖祆此賊何日  
靖呼籲叩

上天好生木

帝念奚忍膏血濺悲憶我

皇考武功成十全小子恨德薄癰疥難速痊誓欲滅此



賊竭力旋坤乾三復

望捷作涕淚傾湧泉沈憂腸百結鬱悶中煩煎臣庶受  
世澤曷不思乃先

經畧額勒登保奏報元旦親督官兵痛剿高三馬  
五大股賊匪殲戮併生擒解散者二千餘名詩  
誌感慰

賊恃南山險凶頑推馬五高三三二奸爲逆久一將運

機勞藏竄謀雖狡乘時勝必操春初奮征剿歲首建  
旌旄已佔陽坡峻漫從陰嶺逃

高馬二逆在賊中較  
爲驍鷲久稽天誅近

經額勒登保逼竄漢陰南山焚掠聞官軍將至欲向  
東奔令採馬頭李有德假扮客商偵聽被縛訊知賊  
聚五羊河高坪河臘月二十八日三更發兵二十九  
日午後至獅子梁礮轟箭射斃賊甚衆夜間尙來撲  
營官兵有備擊退賊僞走向南爲經畧料定額勒登  
保覺其詐正月朔旦轉截其西出之路於鬧河需冰  
河遇賊痛剿初二日賊竄上鳳凰山官兵不避艱險  
經畧及將弁皆徒步搶上賊於極高山頂礮石下擊  
官兵鼓勇攻撲賊不能當乘夜由山後偷遁隘磧屑  
冰賊人馬糜爛零星翻入北山老林計此三日間殺

賊千餘人生擒八百餘人訊明正法僞副元帥卜重  
敬周元貴等三百四十餘名賊悍且狡而經畧能誦  
蹤揣勢先事運籌將士用命奮力於三元首祚獲此  
大捷又提督楊遇春於石泉縣追剿冉學勝二十三  
二十七日兩次在漆樹嶺石塔寺戮僞帥冉大志先  
鋒張定桂冉學勝逆子冉更枚擒僞副帥秦玉升等  
連得勝仗經畧據報附奏新年喜信疊傳仰感叩  
吳綽垂佑繼此凱音踵至成功當不遠也

天速赦罪優渥霈

恩膏

協辦大學士湖廣總督書麟奏報三路官兵兜截

徐添德殲八百餘名趕緊圍剿情形詩以誌  
慰

徐逆本川賊蔓延房竹疆奔馳五年久劫掠庶民殃

三路雄師合一心宿將良

書麟明亮皆多年宿將久  
思戎行今楚省協力同心

滅賊指

更祈

日矣

天賜佑綏靖普禎祥

高二既北竄陝境徐添德仍匿楚  
省計於房保等處掠食邀集匪衆

書麟等於元旦四鼓發兵分爲三路一由通竹谿之  
寶石店一由通房縣之官渡河一由通保康南漳之

上僉三面兜剿萬山之中冰雪塞途官兵不攜銅帳  
聯臂攀陟初四日孫清元吉蘭泰等一路於天地垵  
擊敗賊衆向東南逃遇倭什布長齡一路於白玉坪  
下馬步行佔山壓擊賊復敗而東書麟明亮一路迎  
面奮剿賊情急回奔而三面已合大加擊剿追奔至  
土地嶺綜計殺賊八百餘名鎗斃偽總兵魏以榮生  
擒偽總兵熊方青之弟熊壽昌戰手王必勝等三十  
六名正法與陝省捷音同日遞到仰荷  
順靖邪賊所至輒窮蕩  
定之期當不越春也

叅贊德楞泰奏報痛剿高二大股賊匪殲戮生擒

解散者二千餘名詩誌感慰

高二馬五

二賊罪實深戕官害民肆荼毒奔逃潛避

已經年由陝入甘復來蜀自川回竄突楚疆忽合忽

分斷仍續洵陽騙船渡漢江窺伺中州逞貪欲幸有

雄兵扼其前兩甄直達乾溝曲神鎗飛矢賊披靡作

孽奚能分石玉自慙薄德難治民舍正趨邪習流俗

願

天銷劫赦予愆春臺堪堪甘膏沃

前據奏報青號徐添德并黃號賊匪由洵

陽渡江北竄予卽料及必係高二而非徐添德批詢去後茲據德楞泰奏正月十二日緊躡賊蹤據山陽縣知縣報賊屯該縣東五里之乾溝其地由高場店走漫川關爲楚豫通徑是夜二更分兵兩路一由高場店自東而西一自五里舖自南而西直進乾溝十三日賊正起營我兵奮勇搏戰鎗箭如雨賊敗向北逃我兵由下關坊繞出迎截擒斬多賊追抵寬坪賊零星西竄是夜殺賊千餘名獲犯一千三百餘名內有龔如一供係習教最早賊中稱老教師與高均德同起事此股乃高二卽高添升爲首臘月廿八日在洵陽假充官兵騙船渡江知大兵在西計搶山陽縣城裏人赴豫不料大兵迎擊大敗僅剩七八百人並指認斬級內有僞元帥閻慎珍探馬頭艾文舉大旗首趙坤餘俱戰手等語高添升一賊流擾甘川楚陝

最久最悍經此番大加創刈餘匪無幾渠醜當計日可淨同日又接書麟奏於萬縣痛剿徐添德如予所望快雪時晴喜音遞至皆

昊恩解切宥愆且謝且祝

四川總督勒保奏報提督七十五督率官兵陣斬

首逆張士龍殲戮生擒者一千三百餘名詩以

誌慰

獻歲事機順佳音接續來西鄉聚餘孽南江廣元殄

邪埃勒保奏據提督七十五報稱自廣元移師南江新正月初六日次通江縣之後河嶺賊匪正在起



管一奔左手大山梁一走福神溝兩股各千餘人七  
十五與頭等侍衛武隆阿分兵奮擊殺賊五百餘賊  
於錢家山併爲一路逃逸大兵乘勝緊追於鐵溪河  
椒園子冉家壩等處殺賊三百餘生擒五百三十一  
名口割得耳記四百三十四副訊據活賊李嘉亮等  
供此股係僞大元帥張士龍爲首欲往竹峪關不期  
大兵猝臨搶上山梁將張士龍斬斃認獲首級衆証  
確鑿又於賊俘中指出僞總兵李大維二掌櫃趙建  
功解至勒保軍營審明正法新歲獲此勝仗足爲殄  
賊之機惟堵住嘉陵東岸次第肅清川北掃淨川東  
此時尙在五載之內消劫安

民敬額

天恩

考佑

謹守川江險先清蜀嶺

鬼虔心祈

帝佑五載庶民災

叅贊德楞泰奏報緊追高家營賊匪殲斃首逆高

二乘勝趕辦情形詩以誌慰

狼狽爲奸積罪愆奔逃出沒老林邊雙雄奮臂誅元

惡三將掀髯慰九泉

高二與馬五流擾陝甘楚蜀戕害大員荼毒百姓實爲惡積貫

盈正月十三日經叅贊德楞泰於山陽縣之乾溝痛剿大勝餘賊七八百人西竄官兵日夜緊追於鎮安縣之蔡王窰追及復加擒斬賊翻山向石嘴子地方德楞泰以其地北走秦嶺西通藍田防其逸入乃謀

尋捷徑抄出賊前選精壯鄉勇八百餘取山內小徑冒雪前進至野豬坪迎頭殺賊賊急欲折回而我兵追者已到前後夾擊有賊目騎馬持矛聲喊拚命爲黑龍江驍騎校索里章吉林兵色克津保衝入賊隊亂箭射死餘殲幾盡所剩三四百人由蔣家溝向漆扒溝西遁擒到各犯內有僞先鋒王儒探馬頭劉國良汪忠旗手譚雨化王貴等五名訊稱高二掌櫃已於野豬坪爲官兵射死當將各級隔別令其指認至持矛賊級并所騎馬衆俘一齊慟哭確爲高二無疑乃設從前被害之大員王文雄扎爾杭阿施紹等牌位將高二首級并王儒等五賊轡誅祭奠以慰忠魂而抒士氣覽奏大爲欣慰優加賞資其射斃高二之驍騎校索里章卽陞佐領馬甲色克津保授爲防禦并予銀千兩具如賞格此時額勒登保正在洋縣

剿馬五等股賊楚已極德榜泰卽帶兵赴彼併力不  
日定可掃淨此次官軍於山險無路冰雪中窮追逆  
截遂得兇渠授首實爲師武臣力旣披捷章兼知雪  
信殄邪執醜春暮爲期卽感 昊蒼垂恩錫佑

勁旅抒忠高二己覆良臣合力焉 五應顙孟春喜信

連番接亟盼除邪籲

上天

欽定剿平三省邪匪方略卷首

天章

御製詩

三

總督勒保奏報痛剿匪衆一千六百餘名殲戮首

逆徐萬富生擒七百餘名詩誌感謝

以下辛酉

得隴還萌望蜀心何期連日接佳音兵強賊弱事將

歲

考佑

天恩感倍欽

逆匪黃號樊人傑徐萬富王國賢藍號冉添泗王士虎白號張三在陝西四畝地等

處爲官兵剿竄蟻聚川北謀渡嘉陵江向川西劫掠於望蒼壩搶得煤炭船賊紅旗號褂假充官兵由東河口欲過江西岸正月十四日到河溪關叅將王威寧知縣李天培帶兵堵禦賊遽湧直前幾於衆寡不敵適勒保先派之總兵許文謨從下游趕到鎗礮轟擊相持盡夜斃賊多名賊退紅山場向儀隴縣勒保料其陽爲東竄陰必南渡親帶永寧過住來路檄阿哈保薛太烈卽由紅山場進十七日勒保永寧行至新鎮壩三更後賊窺伺江岸火光燭天永寧鼓行追殺二十餘里訊俘知大隊在碑灣寺十八日追及適

阿哈保薛大烈正接仗得勝大兵緊追將及百里是  
役三次殲賊千六百名擒僞先鋒陳上達探馬頭洪  
正青王大寅楊見冉崇中旗手王士榮馬倖林等七  
百餘名訊知徐萬富在木蘭寺中鎗落馬官兵攢及  
砍斃并斬僞總兵鮮奇林及樊人傑之婦認級確鑿  
新歲十餘日間陝蜀三誅渠逆揚武殄邪膏定不遠  
春杪釋服夏初常雩當敬謝恩佑也已失蠶叢依嶺峻妄圖劫

掠逼江潯川西寧謐功誠大嘉予酬庸澤霈深

此次賊蓄

意西渡肆掠勒保調度先幾親履行陣文武兵勇均  
齊心奮力阻截江岸殲渠獲醜川西得保安堵厥功  
甚大勒保賞二品頂帶花翎阿哈保挑御前侍衛薛  
大烈挑乾清門侍衛計文謨給提督銜王威寧以副

將用李天培以知州用俱遇缺卽陞並發銀牌五百  
分賞出力兵丁用兵之道惟賞罰得宜有功者不吝  
無功者不濫是在行間將  
士勵志圖功以承恩誨耳

總督勒保奏報提督七十五截剿竄匪殲斃首逆

王士虎併賊衆幾及千名川北將次肅清詩以

### 誌事

督提舊忠勇接踵殄雙凶

徐萬富前經殄滅  
王士虎今已被誅  
通江保

寧  
將除騰開

縣  
雲陽

漫聚蜂

勒保自碑灣寺得勝後  
卽往沿江布置途次接



劉清報正月廿一日在巴州恩陽河夜撲賊營頗有  
俘斬追殺二十餘里賊竄通江旋據十五報廿三  
日探知賊於草石壩奔來三更後迎截至獅子嶺接  
仗見有騎馬一賊往來督陣爲侍衛武隆阿總管傅  
森額帶兵衝入叢鏑射死擒賊目邱添富訊稱係首  
逆王士虎又有僞總兵周一洪均解勒保軍營令活  
賊併從前投出人等隔別指視確鑿又阿哈保等報  
賊自通江敗遁廿六日至姚家壩探有官兵卽向南  
馳走官兵緊追亦有俘斬現在兩路兜圍夾擊等語  
此股賊匪樊人傑等自陝入川初甚猖獗今連蹙兩  
渠餘賊千餘敗殘已極佇俟全行掃蕩川北謐寧至  
嘉陵江岸自廣元至南部又蓬州至合州令張志林  
許文謨分防嚴密賊匪劉朝選湯思蛟辛聰頗勝可  
魏棒棒陳朝觀李炳等蜂屯開縣雲陽境內指日移

師川東燭蜩漂塋川民得慶奠

安惟祝

昊恩迅消殘劫

佳音三省續惡劫五

年逢叩首祈

天赦普施渥澤濃

總督書麟奏報痛剿苟文明大夥賊衆殲戮及生

擒者千餘名由徐添德股內散出者亦有千餘

名詩以誌慰

川奏飛章楚繼來餘邪苟合復燃灰兵分龍堰雙雄

督陣布獅巖衆賊摧

首逆徐添德大股敗匿鄖竹之  
間而川逆白號苟文明藍號李

彬在陝合夥直趨竹山共有五六千人書麟倭什布  
由吉陽關抄截徐逆長齡明亮由化口進至房竹交  
界以過苟李二逆正月廿七日師抵房縣之化龍堰  
偵知賊在獅子巖一帶散屯於四路百里內焚掠勢  
欲東走我兵於上道河直撲獅子巖四甄競進殺賊  
三百餘賊分三路西逃長齡率兩粵兵追擊右山梁  
之賊明亮率山東兵追擊中路之賊又添參將常羣  
等率河南雲貴兵追擊山溝內之賊賊惶遽間中右  
合隊憑高下壓勢甚凶狠長齡明亮督兵仰攻直上  
奮佔山梁殺賊二百餘山左陡崖賊多顛墜而死山  
右硎寨之民轟礮助擊跟逐三十餘里又殺賊三百  
餘擒四百八十有奇而溝內之賊勢敗翻出正遇官

兵迎頭夾擊又殺賊百餘擒一百八十有奇訊據活  
賊供二十三日始從平利縣曾家壩越老林到竹山  
今日拔營要搶房縣往保康襄陽突遇官兵打敗偽  
總兵卜興昂被鎗身死並指認首級內有偽先鋒魏  
鍾鈞其審明積年真賊一  
百五十二名卽行正法  
解散日多功自倍撫綏時

念運應回黎民罹厄誠予咎仰籲

皇天厚澤恢

書麟等一路探知徐逆在門神坡放馬溝  
等處屯擾該地可趨鄖縣相近漢江春水

未生慮其躡淺偷渡卽派總兵孫清元率兵勇遶出  
北星河迎頭抄截書麟倭什布副將吉林泰等領馬  
步兵從後夾攻其時賊正造飯猝遇官兵鏖擊惶遽  
越山亡命狂奔房縣之罄口板橋而去是役雖僅殺

賊百餘生擒正法者矛手頭目劉大貴王昌等四十名而兵勝緊追賊敗折竄之際散出難民大小男婦一千餘名口訊明資送回籍安插訖真賊本無多人皆出一時裹脅隨其奔逃凍餓遇兵則驅爲前敵而良民愚懦迫於兇威焚掠之餘欲歸無路以致枉罹荼毒不知賊至被脅兵至卽可自歸旣受撫殺轉爲良善事半功倍蕩定何難予惟有仰體 上天好生之心引咎自責以期 垂恩全 賜綏靖

總督長麟奏報會剿高三前股賊匪殲戮及生擒

者一千七百餘名現截剿後股賊匪情形詩以

誌事

伏莽惟奔竄潛逃鬼蜮攢五年事未竟三逆罪難寬

謂高三馬五王

廷詔三首逆

懸賞軍心奮摧枯賊膽寒寸忱祈

昊鑒渴望兆民安

賊匪中惟高二高三馬五最爲驍鷲  
徐添德王廷詔日久稽誅正月中旬

特頒旨軍營懸立賞格有能擒斬者兵勇予賞缺守  
備銀二千兩賊中來獻者予賞缺千總銀半之昨於  
野猪坪射殪高二卽依格獎勵軍中得此醴賞自然  
志銳氣奮茲據長麟奏報與楊遇春商酌截擊高三  
等一股二月初五日至沔縣偵知賊前股從龍王溝  
將竄舊州舖乃分兩路埋伏總兵張鳳在左楊遇春  
格布舍在右派參將張超在獅子溝防其散逸長麟  
又派參將張應魁分投掩殺是夜五鼓賊竄出溝口

兵勇兩路擊斃賊二百餘名賊躍河向元山子官兵  
追剿斃賊三四百名擒三百餘名沿山度嶺自化山  
溝逐至銅嶺二百里斃賊四五百名擒四百餘名確  
訊活賊內有偽副元帥羅士柱總兵尤登科魏文等  
指實首級內有偽元帥賈志茂先鋒楊光第等餘賊  
僅五六百人西遁黃洋河楊遇春帶兵緊趕其後股  
現經長麟帶兵追剿賊勢窮蹙已極旬日定可掃  
淨兵邀懋賞民獲安全惟仰祈  
蒼昊鑒貺耳

### 軍信

賊窮奔益急川楚信同來截剿徐

添張允蹙賊首徐  
德壽添德張

允壽連歲入楚最爲狡悍昨經書麟等於獅子巖北  
星河等處分道痛剿後復由余家河高尖山一帶散

竄勢欲東走長齡明亮偵明賊路於二月初二日抽撥兵勇設伏山溝乘賊撲營時立斃賊一百餘名並擒鄭貴等二十四名乘勝追擒復於沿途搜獲探信賊匪王世福等十七名又於沙窩山梁擒賊二百餘名因偵知賊大衆屯聚觀音堂隨分兵由北面翻山抄截長齡明亮親督後隊將賊衆逼向西南兩路合圍又殺賊七百餘名擒獲胡思紅等六十五名賊衆遂由紫荊洞一帶逃遁穀城襄陽不致闖入其苟文明李彬二逆經書麟督兵剿辦途次探知房縣北境樊家河一帶有另股賊匪攻撲寨洞當卽分兵兩路進剿於白火石斃賊六百餘名擒獲李魁聖等一百七十三名寨洞安全賊衆不敢東趨可無虞其竄擾并訊據活賊供稱賊衆震懾兵威已極且無從擄掠勢實萬分窮蹙計春杪定可蕪事也

追捕樊



人冉添勦保奏稱樊人傑等率其敗殘餘匪日行  
傑泗摧百五六十里翻山越嶺晝夜奔逃總兵薛

大烈由東鄉鹿坪壩一路追躡二月初五日至鄭壩  
偵知賊竄桃子園等處隨於初六日進抵水田壩正  
值該匪等圍攻九打杆石準兩寨勢甚猖獗官兵奮  
擊當救出男婦大小一千三百餘名口斃賊一百餘  
名乘勝長驅直至廣福院苑家山等處殲斃藍號偽  
總兵苟忠林及餘匪五百餘名生擒黃號偽總兵李  
尊賢藍號偽總兵孟世臣及王士虎之叔王大谷蔡  
興洪何世豹張洪修張宗光等七名並男婦二百十  
七名口訊據活賊供稱樊人傑在苑家山被迫急迫  
脫袍棄馬滾巖竄逃並據李尊賢等供此次自陝省  
竄來到處無從掠食樊人傑本擬約同冉添泗等與  
辛聰合夥自係竄赴雲陽開縣等語現在勒保派令

七十五由開縣進擊薛大烈卽帶兵由榨井壩追剿  
並令託雲泰由明通井進攻以遏其竄赴老林之路  
許文謀策勵兵勇嚴堵定遠江防勁旅雲屯逆首脫  
落指日可期蕩定川楚疊奏捷報適值恭謁 裕  
陵敬行敷土之禮感荷 天恩 考佑助順祛  
邪茹業寸忱益祈普 賜奠安仰慰 遺志  
祛邪何日靖奏績幾時回展謁祈

垂佑銷兵

聖澤恢

總督長麟奏報追剿高馬後股賊匪生擒教匪馬

應祥餘賊竄過川境詩以誌慰

陝蜀相連賊肆竄二凶分股接蹤逃畧陽繞截謀成  
定唐壩追殲氣倍豪戡亂乘機時已屆擒渠抒憤績

應褒

長麟楊遇春旣剿敗高馬前股賊於銅嶺楊遇  
春緊追向川長麟回師汚縣擊其後股時賊竄

入武關西溝官軍獲難民詞得此股賊係僞元帥王  
淩高胡滄海管領前爲楊遇春剿剩三百餘人有高  
二股內大掌櫃馬應祥被德枋泰衝散相遇合營共  
有矛子手六百三十七人裹難民百數十人狙匿老  
林內該地灌莽數百里處處可通必轟令出溝方可  
痛剿長麟定謀於畧陽境內繞西轉北以兵千人赴

高坪場鄉勇四百人赴毛壩均向南逼剿二月十二日兩路臨賊賊由何家巖南奔至黃銅鋪知大安山後有官兵不敢出溝忽北向蔡壩忽南向陽平關以誤我師至十三日二更突至向胡家壩長麟派副將蕭福祿等緊追自領馬隊赴寧羌州之鐵鎖關迎截沿途追及卽有殄獲賊忽聚忽散入則鼠伏出卽雉鼠官兵窮日夜之力未嘗刻弛十五日三鼓及賊於唐家壩刀矛相接正促急間衆擁一賊奔逃鄉勇田貴直前擒獲賊衆來奪田貴恐被奪去當卽戮斃餘賊翻卦子山向廣元縣漆樹崖而逸於俘內訊得馬應祥乃馬五之姪自認襄陽老教首并供田貴所斬卽胡滄海上年六月西鄉斷王文雄之臂者尤暢人心是役長麟奮勇善謀特予議敘田貴優賞八品頂帶藍翎示勵其楊遇春所追之前股賊於馬道黃官

顧再勝擒斬千餘遁南江縣境兩股零星餘匪俱已  
入蜀漢江以北肅清惟望渠魁三人全速就殲消劫  
安良敬俟

天佑 仰祈

天眷消兵劫速報誅夷王

廷馬五高三

經畧額勒登保奏報提督楊遇春督兵追剿賊匪

生擒積惡首逆王廷詔詩誌感謝

裕陵甫哀顧卽報獲渠魁二逆連番縛

高三王廷詔

三凶次

第摧

高三馬五  
徐添德

考慈宥予咎

天眷赦民災捷信祈頻至告成及釋縲

楊遇春逐高馬前股賊既於馬

道黃官嶺連勝窮追向川茲得經畧額勒登保奏據  
慶成來信本月十八日楊遇春格布舍張鳳等在川  
陝連界之龍池場鞍子溝一帶殺賊甚多臨陣生擒  
首逆王廷詔惟殘匪馬五等二三百人竄匿老林現  
在附近之峽口柳樹埡雞子壩九陣壩擒馬嶺鍾家  
溝等處俱有官兵截捕即可淨盡等語王廷詔乃襄  
陽最初起事逆渠流擾川楚陝甘衆匪皆聽其鼓煽  
稽誅日久惡貫已盈今就梟俘洵足快人心而寒賊  
膽當將經畧及此役領兵諸臣加以賞敘并令查獲  
賊之人依格資獎計清明節裕陵敷土於十九

日啓行先一日卽有此捷告 在天威靈俯鑒哀

籲 眷佑藐躬屈指釋服之期尚有匝月佳音速

奏餘賊全殲當於在事諸臣凱旋解甲之日躬率哭

奠 寶城用告成事仰惟 聖心愛民愛子過

化存神陟降於

昭定符慕祝

總督書麟奏報截剿徐添德賊匪殲戮及解散者

千餘名詩以誌事

懸賞緝五凶一誅

高

一生致

王廷

徐逆踞楚疆久掠

房保地潛匿依山林伏現如鬼魅我師雖健雄鼓勇

未能遂隨賊從奔馳每爲所事累剿堵必兼施斯可  
速歲事宿將定決幾擒渠信應至邪消衆庶安受福  
蒙

天賜

首逆徐添德等在尹家坪水月寺一帶屯聚長齡  
等分道由大樹垭等處進剿督率馬隊左右衝擊  
殲斃五百餘名該賊大隊奔及山口經伏兵出其不  
意從溝內殺出立斃賊一百七十八名見有年老賊  
目爲衆匪擁護逃竄經鄉勇分投緊追復斃賊一百  
餘名活擒八十三名將年老賊目擒獲訊係老教首  
黃正魁散出男婦三百餘人據獲賊供徐添德張允  
壽與白藍青三號及黃漢合夥約有萬餘名被官兵



追趕剿殺逃散一千多人連次殲戮二千多人又被  
各團寨截殺多人勢極窮蹙現在該匪等意欲東趨  
書麟等緊由霧渡河一帶跟蹤追剿逼之西向以期  
兩面夾擊又勒保知會雲陽開縣之賊已督派將弁  
分投堵截剿辦川省帶兵提督七十五總兵薛大烈  
水陸抄截擒斬亦多餘匪無虞竄入楚境續據保康  
縣楊開鏡稟報徐張二逆由該縣歇馬河快活嶺奔  
竄該令督率義勇堵截賊匪不敢窺伺北面書麟已  
帶兵折回房縣督剿現在三面會合先機定計將  
弁協心定能剋日擒渠仰籲

吳恩彌殷虔禱

總督長麟奏報副將蕭福祿剿滅汧陽縣新起賊

匪二千餘人淨盡情形詩以誌事

陝西屢報賊窮蹙孰意汧陽起匪徒雖恨四凶

首逆  
武振

關車舉鼎趙興

宗邢三德四名

齊抗拒仍憐一鼓盡殲誅臨民深愧

邪難化作孽堪哀禍自趨虔願

穹蒼消苦劫亟除有罪赦無辜

長麟正在渭北逼剿冉  
逆於途次月間傳說有

汧陽新起賊匪一股約二千餘人在汧陽縣屬之武  
家半山子屯紮長麟以追逼冉逆正在喫緊之時飛  
飭派往崇信涇州防堵之副將蕭福祿帶領將備兵  
勇二千餘名連夜趕赴汧陽剿辦維時汧陽知縣祝  
大澄已將首逆武振關擒住藩司王文湧等帶領鄉  
勇與賊相持未即得手蕭福祿待信後即趕抵武家

半山先令兵勇搶據對山看明地勢旋派遊擊張聯奎等取道後山梁進攻守備金玉璽等取道左首溝內進攻遊擊馬忠等取道右首進攻遊擊米章等由對面進攻賊匪依恃山險抗拒甚力蕭福祿設計令左首兵勇暫緩進攻賊稍懈卽令左首將備兵勇鼓氣直撲一擁而上張聯奎一路將首逆車舉鼎生擒都司劉伏等將賊目王忠義生擒各路軍功將備等生擒賊目趙魁趙興宗武敬武克祥等衆匪見被擒多人始形散亂我兵四路剿殺斃賊千餘生擒一千二百五十餘名口將賊匪偷匿窩位烏鎗刀矛旗幟盡數搜獲此股匪徒初起滋事長麟卽時調派蕭福祿等乘機撲滅不致蔓延極爲迅速計各股匪徒俱已勢窮力蹙而愍不畏死之徒尚敢逞其狂獗今一鼓剗洗無遺覽奏轉生憫惻惟有敬籲

上蒼好

生消劫安良

速臻底定

叅贊德楞泰奏報痛剿龍紹周大股逆匪殲戮生

擒及解散投首者四千餘名詩誌感慰

賊勢雖殘仍裹脅萬餘醜類列三營當車漫恃山林

險奮馬全憐溝壑傾

德楞泰剿辦龍紹周等賊匪由雞心嶺趕辦橋道布置後路親

督馬步將弁越嶺急追查明路徑分爲三隊行走於二十八日齊抵二郎壩前哨拏獲賊探訊知大股匪徒約有萬餘分作三營老林內尚有埋伏前營已過和岡溪等語我兵直趨該處派令賽冲阿等擊剿翻

山逃竄之賊副將達自祥叅將唐玉龍等扼和岡溪  
口截剿伏賊德楞泰督率將弁奮力掩殺溝內之賊  
當斃賊七八百名見賊勢立形潰亂並傳令軍中不  
准傷害難民卽有應聲拋棄刀仗就縛者千餘人而  
前營賊匪竟敢折回抗拒我兵奮擊又殲賊四百餘  
名生擒六百餘人復抽派溫春帶領馬隊馳赴和岡  
溪口一路與堵剿伏賊之達自祥唐玉龍及原派帶  
兵尾追之德英額等同抵該處會合夾擊共追殺賊  
六百餘名生擒七百餘名此次各路官兵共殺賊一  
千八九百名生擒二千三百餘名口次日又搜獲三  
百四十餘名於前後獲賊內指認出偽總兵趙志成  
先鋒包萬才戴世榮探馬頭二名旗手四名戰手六  
百九十八名卽予正法釋放川陝及附近之難民幾  
及二千人德楞泰久歷戎行威名最著此次更能發

謀督衆獲此大勝省釋難民多人實能仰體予不得已用兵之苦衷尤堪嘉許惟冀各路捷音迅奏同底蕩平懋承

鴻臚

天意何時方赦罪予心奚敢事佳兵咎誠在已功諸將

渴願西南奏蕩平

總督書麟奏報夾擊徐添德大股賊匪殲擒一千

三百餘名又據總督長麟奏報總兵楊奎猷追

剿冉學勝賊匪殲戮生擒併解散者一千四五

百名詩誌感慰

天心厭亂勝人謀楚省捷書達遠郵六隊超騰踰嶺嶠

書麟等督剿徐添德等大股賊匪與孫清元吉林泰  
長齡明亮等各分一路探知賊匪竄至黨洋河等處  
孫清元吉林泰因山深路險不帶鎗帳翻越山嶺馳  
至王家亞見賊衆屯聚茅倫山該鎮等督率仰攻賊  
匪抗拒甚力該鎮等分派弁兵爲六隊合力急擊將  
前敵之賊擊仆百餘名我兵一鼓搶上斃賊三百餘  
名賊匪捨命奔逃我兵緊躡追殺三百餘名鎗中白  
袍賊首生擒一百二十餘名審訊獲犯張憲聰等供  
稱此股係徐添德張允壽苟文明苟文輝李彬等合  
營今被官兵殺傷甚多將苟元帥頭額鎗傷等供當

將該犯及所獲真賊一併正法釋放被裹良民長齡  
明亮等趕至復坪一帶探知分股賊匪屯聚該處誘  
賊出山長齡等由山後抄截明亮等埋伏山坳先斃  
賊一百餘名督兵追擊至山半賊大隊抗拒勢甚兇  
悍適長齡由山後抄截兩路合攻共斃賊四百餘名  
搜獲賊七十餘名復翻山追擊斃賊二百餘名書麟  
復因該匪現竄西南山內毗連川境當卽飛咨川  
省嚴密防堵復緊躡賊蹤期於楚境剿滅淨盡 三

軍奮迅據山溝窮追乘勢冉

學勝

將殲

長麟因赴沂陽  
寶雞一帶安撫

查辦飛飭總兵楊奎猷等追剿冉逆詎該匪輾轉折  
竄該鎮等探調賊蹤分兵三路追襲馳至柳川溝地  
方馬隊將弁由溝內衝殺楊奎猷自山頂下壓立斃  
賊百餘人把總賈玉成將坐轎賊目戮斃賊匪拋棄



驃馬翻據山梁抵死抗拒楊奎猷等奮力攀援仰攻  
遊擊郭洪把總賈玉成首先搶上山梁兵勇一擁齊  
上擊斃賊四百餘人生擒一百餘人此次共殺賊五  
百餘名生擒一百五十餘名口逃出難民八百餘人  
並從活賊訊出此股係冉姓李姓張姓爲首戮斃之  
坐轎賊目令各賊指認爲張姓賊首無疑各難民給  
票遞籍安業至長麟抵寶雞安撫良善審辦擒獲各  
犯該處紳民無不歡欣快慰奸宄絕迹綏靖地方冉  
逆經此大創勢難遠

屢計可剋期擒賊

夾擊和衷徐

添德

可囚

徐添德等  
逆經連次

截剿殺散多人勢甚衰蹙現在書麟等分投合力布  
置兜圍已成夾擊之勢該匪等已無可倖逃即可悉  
就檻  
繫矣竭力救民祈

鑒佑同胞奚忍事虔劉

經畧額勒登保奏報督兵生擒王凌高張什二首  
逆並殲獲五百餘名詩誌感慰

恰值謁

陵朝捷傳秦嶺遙王張已共縛高三馬五定齊臬兩省

兵將合六年却可消叩祈

皇考佑靖亂沛

恩饒

廿九日行釋服禮前一日謁

陵禮畢適經畧

額勒登保奏到剿辦高三馬五等賊情形經畧親

率將弁擇要督剿於十六日馳赴白雄關一帶札克  
喀爾趕抵狼渡礮正遇賊匪攻撲民砌隨分兵兩路  
截殺時額勒登保亦抵該處督兵夾擊各官兵愈形  
奮迅立斃賊匪四百餘名生擒一百餘名鄉勇袁華  
俊等生擒賊首王凌高把總敬朝貴等拏獲首逆張  
什二賊係高三馬五股內兇惡賊首張什曾自爲一  
股活賊無不指稱爲元帥今先被擒高馬二逆亦不  
難卽日就戮並奏悉各賊匪總在川楚陝邊界出沒  
現在額勒登保在陝省西鄉督辦德楞泰轉戰克捷  
已至楚境勒保所督將弁於川省通江一帶逼剿逆  
匪可與楊遇春等會合其餘俱經調派將領分合堵  
截並札知各該省督臣合力剿辦事機日加順利均

可得力自能剋期掃蕩邪氛蔽功迅奏得此喜信正  
當釋服之先實皆仰賴 皇考垂佑深思敬感

鴻慈九

殷哀顙

經畧額勒登保奏報提督楊遇春率兵生擒高三

馬五全數掃蕩餘匪詩誌感慰

除服未能酬

考願寸心夙夜抱深憂幸蒙

天佑雙凶繫可望時和萬姓瘳

四月十三日據額勒登  
保長麟奏報提督楊遇

春等專差馳報追剿高三馬五等賊於初一日至寧  
羌之鐵鎖關二郎壩地方將高三馬五兩首逆臨陣  
生擒并馬五之子及各賊日悉皆弋獲餘匪全數掃  
蕩高馬二逆在諸賊中最爲狡惡日久稽誅茲仰

吳慈篤佑將士同心將該匪駢首  
就擒此外各股自可乘機洗盪矣  
陝華將消希速

靖楚氛已斂願全收

陝華冉學勝現經剿辦楚賊徐  
添德屢經剿殺其勢已衰佇望

全局底定迅奏蕩平禱祝之

殷實爲蒼生速祈解厄也  
叩祈

吳鑒蘇災困顛沛哀黎忍盡劉

叅贊德楞泰奏報痛剿徐添德匪衆擊斃首逆張

允壽殲戮及生擒解散者幾及三千名詩誌感

謝

劫數何時轉仍憐溝壑填師初分兩隊賊又殄三千

張

允壽

殛邪將盡徐

添德

逃命苟延民安子罪解昭鑒叩

皇天

十六日德榜泰長齡明亮等奏報初六日德榜泰等各帶兵勇由夾帶河取道松露河長齡等帶兵

暫茶松露河兩河口剿辦白號德榜泰至紅花朵趕上賊尾官兵分爲三路而進追剿青號長齡等追剿白號至紫竹地方明亮探知徐逆向獅子崖等處奔竄卽帶兵截剿生擒李芳等分別辦理德榜泰據逃

出難民僉稱首逆張允壽在熊藏山被傷左腿骨折  
身死隨訊之難民千數百人無不共見共聞查此次  
青白兩號賊匪剿殺一千六百餘名生擒一千三百  
數十名徐逆失所倚仗計日掃除淨盡實仰賴  
昊穹默眷迅  
奏成功也

總督勒保奏報分兵截剿出境竄匪痛加殲擒情

形詩以誌慰

川東餘孽潰奔竄二竹疆蜀兵分兩隊冒雨踰溪岡  
奮力剿逆黨殘魄難披猖楚省亦有備截擊兼堵防

上天赦予咎安民錫福祥尤願縛徐

添冉學德冉勝

捷奏引領

望

據勒保奏湯思蛟劉朝選等逆與楚省之白號向  
界嶺奔逸楚境藍號由一碗泉向陝省竄去當派  
阿哈保等追剿湯劉白號七十五追擊藍號馳抵竹  
谿縣屬由核桃園追至竹山縣柳林店殺賊五百餘  
名被水衝斃一千餘人生擒四百餘名七十五一路  
殺賊五六百名生擒九百七十二名再德楞泰前奏  
擒拏徐添德樊人傑等之妻現在窮追逆首務獲冉  
學勝一股經畧額勒登保提督長齡等先後奏到由  
楚逼回陝境勢亦窮蹙刻日就擒  
盼望捷音卽期掃蕩大功可蕲矣

經畧額勒登保奏報追剿冉學勝大股賊匪殲擒



三千餘名詩以誌事

賊勢雖窮蹙餘邪聚數千分兵高嶺越冒雨密林穿  
合力逆難遁同心績必宣五年事將蕺解厄籲

皇天

據額勒登保奏六月十九等日分三路官兵並擊  
冉學勝各匪大獲勝仗共殺賊二千餘名生擒一  
千二百五十九名口現在合力剿辦以期全蕺  
情形西南厄運將消仰籲  
吳慈益深度佇

叅贊德楞泰奏報追剿青號賊匪首逆徐添德落  
水淹斃及搜捕餘匪各情形詩誌感慰

徐添德王三二賊蜀倡亂一已伏誅一奔竄蔓延三省

害良民倚伏老林無忌憚惡孽滿盈劫數收冥誅兇

逆付洪流佇看蕩滌餘邪盡早慰

在天望捷憂

德楞泰奏報據賽冲阿溫春等稟報追剿徐添德股匪於五月十八日在任河新灘

地方獲犯趙玉等訊稱徐添德於十七日被官兵追急欲於該處找小船渡河因雨大水漲到灘口溜上船翻淹斃復訊據續獲各犯及林內藏躲客民僉稱青號首逆徐添德淹斃情形確鑿無疑其零星餘匪不難搜捕淨盡至徐添壽與樊人傑雖由小路逃竄爲數亦屬無幾已派員截剿搜捕德楞泰卽由紫陽

平利會同額勒登保併力協剿佇望蕩  
滌捷音仰慰 皇考望捷遺志也

### 卽事

不幸中之幸聊爲卽事吟賊氛漸消歇伍逆又生擒  
據額勒登保奏報伍懷志股匪由鎮安逃竄後經穆  
克登布等緊蹙剿殺沿途斬獲逼入寧陝地界之老  
山據險潛藏隨於六月初二日四面分佈奮勇將弁  
猛升魚貫上山搜捕當卽殲戮數十名生擒四十餘  
名首逆伍懷志帶領頭目由層巖飛躍下逃適綸布  
春率兵在彼擒獲該逆自認不諱直伍懷志係襄陽  
老教夥黨多人今已臨陣生擒餘匪  
斬獲無遺從此漢北南山肅清矣

漢北民歸業南山已肅清移師掃鄖竹可望大功成  
又據奏與德榜泰會籌剿辦各情形尚有龍冉湯劉  
等逆已察探去向簡派將弁及知會各路帶兵大員  
分投堵剿相機夾擊現在密佈兜圍軍威壯盛各餘  
逆窮蹙游魂已不能苟延逃竄厥功捷奏剋日可期  
河決渾流漾畿南被重災叩

天速宥罪蒿日寸心哀

甲子又逢雨凝陰應咎徵拯黎竭心力思過益兢兢  
總督勒保奏報痛剿各股餘黨併生擒徐添壽王

登高等情形詩以誌慰

首逆連殲餘孽逃徐

添德王登

苟合肆喧囂四兇齊聚

數將盡三路環攻算已操

據勒保奏報有青藍黃三號餘匪竄入巴州境內當

派阿哈保薛大烈等帶兵追剿茲據報於六月二十  
二日探得賊匪竄屯石塽山該處有龍鳳垭酒店垭  
土地坎三路卽分兵埋伏堵截賊聞信竄走遇伏相  
持適大隊官兵亦至前後夾擊生擒徐添德之弟徐  
添壽王登廷之子僞元帥王文科等殺賊三百餘名  
賊復撲回抗拒又生擒徐添德之子姪徐大寬徐大  
朝王登廷之弟王登高僞總兵劉學詔等斃賊五六  
百名獲活賊六百餘名審明從賊日久者四百一十

五名先行正法其爲首各犯解赴勒保軍營  
審辦自陝竄入川境之三號逆匪全行剿淨  
有罪延  
禧祈

吳佑安民平賊及秋高奔馳五載衝寒暑厚賞難酬兵  
將勞

望信

白蓮餘孽尙奔逃選將窮追金底罄賊潰邪消看劫  
盡馬騰士飽及秋高鄭房嚴備竄無路陝蜀齊攻勝

可操額祝喜音來迅速安民亟與沛恩膏

叅贊德榜奏報窮追龍紹周股匪疊次殲擒及

自行投首者二千餘名詩以誌事

賊勢漸潰散潛竄陝蜀陞出沒極險地使我兵力疲  
將軍奮忠勇馬步隊並追寨民助剿捕餘黨日解離  
亟願除邪逆

天恩溥鴻施五載備艱苦宵旰念在茲

據德榜奏奏七月十九日探報

龍逆等向峯竹厥奔逃官兵奮力跟剿殺賊三百餘  
名生擒尹國珍等二百四十餘名破擊偽總兵熊世  
金等又殺賊二百五六十名二十四日沿途殺賊六  
七十名生擒夏朝武張士龍妻張汪氏等三十三名  
口二十五日又殺賊一百四五十名生擒偽總兵李  
懷玉等六十三名口逃出難民八百五十八名現在  
趕緊掃除餘匪務期淨盡等情數載兵民備極辛  
苦宵旰念茲惟望速蕲軍務仰賴 垂佑也

### 陝信

神御憑臨虔展拜秦疆捷奏幾時來於昭

考佑機全順大奮軍威賊盡摧

十三日恭值 皇考  
誕辰適額勒登保奏報



生縛首逆冉添泗等並擒獲偽總兵先鋒楊步青王士勤等痛殲賊衆並將各股餘匪乘勝掃除虔威

慈恩

眷

佑曷勝禱頌  
惡積只餘未了孽火消漫有復燃灰

紛紛敗葉西風捲掃蕩汗邪泰運開

總督勒保奏報生擒逆首冉學勝併殲擒高家營

賊匪九百餘詩誌感慰

奉先默禱策駟還

本日告祭

奉先殿虔申禱祝禮

成後甫還御園勒保之捷奏即至

飛報通江縛逆頑竄陝披猖常肆惡入川狼狽欲爲

奏  
勒保奏偵探賊蹤追剿股匪於八月初六日行抵  
壩溪探得首逆冉學勝等與高家營餘匪會合屯  
聚盧家灣程勒保督派將領兵勇分路追殺於次日  
黎明趕抵該處出其不意奮擊衝剿見有棄馬滾崖  
一賊情急欲行自刎當經兵丁敖吉等奪刀生獲訊  
係老藍號首逆冉學勝并殲餘賊五百餘名生擒四  
百十二名又訊出高家營老掌櫃鄧金祥偽總兵岳  
興先鋒韓三思及探馬頭總旗手戰手等多名俱卽  
正法查冉學勝積年首惡今已生擒各股零星殘敗  
可期於川境圍剿淨盡仰祈  
天  
考垂慈藏  
功  
迅  
奏

天心漸轉希平定賊數將窮漫伏跼凝盼西南連捷奏

褒勲恩旨疊施頒

盼信口占一絕

盼信又過春夏秋何時省釋寸衷愁兵鋒未淨兼荒  
歲薄德懷慚宵旰憂

叅贊德楞泰奏報殲斃首逆龍紹周全股淨盡各  
情形詩以誌事

賊勢已窮蹙潛逃倚老林雄威三勇奮惡孽二毛燭

據德榜奏報查明官兵殲斃極惡首逆龍紹周並擒獲偽總兵胡朝位殺戮偽總兵曹應彪偽先鋒賴大魁等係九月二十六日乘雪在盤龍山分投截殺見一賊疾走橫木絆倒被鄉勇李大潮魏忠才林材用矛連刺而死驗明屍身兩腿腕各生毛一叢與龍紹周之妻前供胎合確鑿無疑其餘黨惡根株全行淨剿聚蟻消川嶺屠龍淨楚岑酬勲應晉爵敬感

### 昊恩深

經畧額勒登保身先士卒調度有方現在籌辦李斌一股剋期截定加恩晉封三等伯德榜泰節次殲擒首逆冉文儒高均德楊開第徐國謨等而其功績最著者尤在截剿偷渡嘉陵江潼河賊匪保全川西數百萬生靈本年又將徐添德龍紹周劇賊全行殲滅加恩晉封二等伯賽沖阿賞給騎都尉世

職溫春賞給雲騎尉世職

仰體、吳恩用推爵賞

經畧額勒登保奏報生擒首逆冉添璜高見奇趕

辦餘匪各情形詩以誌慰

齋居連日接佳音殘賊奚能恃老林禍始徐

添德王槐

全剿淨孽餘高

見冉添璜

又生擒

據額勒登保奏報十月十八日豐紳等一

路兵勇在紫陽之高橋三星寨一帶將首逆高見奇  
生擒餘黨三百餘斬獲殆盡又於十一月初三日格  
布舍等一路官兵趕抵鎮龍關經把總陳永才等將  
首逆偽元帥冉添璜生獲縱火燒林並將賊匿之賊

藏戮無遺現在趕辦餘匪剋期肅事

仰酬

考志貽謀大虔籲

天恩救劫深佇盼嘉平皆底宥熟籌善後歲開壬

軍營大局指日可定盼捷寸衷倍切偶成六韻示

內廷諸臣

衆正行師吉占符九二爻雄兵全據隘殘賊已傾巢

黨與皆消敗妻孥盡棄拋籠樊

人傑

兼礫苟

文

誅李

彬

繼除蛟

湯思蛟

事藏

遺謨展功成新歲交蕩平期迅速邪教息喧呶

望蜀吟

事將藏賊運蹇雄師周匝連屠嘯方期三逆叠殲擒

喜音可卜春光轉

經畧參贊皆督兵趕剿李彬劉朝薄湯思蛟三股賊匪方冀指日掃

湯忽傳紉狗西竄甘分我兵力機又舛縱賊遷延任

奔馳僨轍之罪雖寬免

昨據慶成長麟連日奏報苟文明一股約二千餘人驟馬

甚多於十一月十二三等口由四川廣元西竄嘉陵  
江已至甘省階州地方慶成已帶兵兼程截剿長麟  
馳往督辦軍糧等語覽奏實深憤恨此股賊匪係提  
督七十五專辦今賊已竄甘而七十五杳無音信縱  
賊之罪百喙難辭  
因命革職拿問  
所望雙雄竭忠誠督師追剿謀猷

展深惜功虧一簣時別生枝節蘇殘喘

額勒登保德  
楞泰皆統兵

向西追剿渴  
望捷音速報

經營六載未肅清才疎德薄增慙覲望

蜀何日救哀黎除邪和衆

遺謨闡